

UNIBERTSITATEA. Bilboko Euskalduna jauregian egin zuen UEUk horrenbesteko jakin-mina sorrarazi duen II. kongresua. Bertan, euskal unibertsitatearen definizio klasikoarekin jarraitzea erabaki zuten, txosten ofizialak proposatutakoa atzera botata.

Euskal unibertsitatearen lehenengo kongresuko definizioari eutsi dio UEUk

Euskal unibertsitatea «Euskalduna, Euskal Herria bere osotasunean hartuko duena eta herritarra» dela erabaki dute UEUko kideek, atzo egindako II. kongresuan



MONIKA DEL VALLE / ARGAZKI PRESS

Luze jo zuen atzo UEUk egindako kongresuak, eta amaitu gabe eten behar izan zuten gauean.

Txosten ofizialak bat egiten zuen horrekin, eta euskal unibertsitatea izendatu beharrean, euskal unibertsitate sistema izendatzea proposatu zuen.

UEUko hainbat kide ez zetozen bat definizio horrekin, eta lehenengoa baztertzen ez zuen bigarren proposamen bat aurkeztu zuten. Talde horren aldeko postulatuak defenditu zituen Joxerra Aihartzak adierazi zue- nez, txosten ofizialean agertzen zenak euskal unibertsitatearen betiko definizioa «oso ukituta» uzten zuen, eta ez zuen argi uzten UEUren hasiera-hasierako helburu nagusia euskal unibertsitatea sortzea dela. Halaber, definizio berria onartuko balitz, UEUren egitekoa ere erabat aldatuko litzatekeela azpimarratu zuen, «*de facto* euskal unibertsitatea kontsidera litekeena esku artean geneukala esan nahi lukeelako».

Horrenbestez, txosten ofizialearekin bat ez zetorren taldeak erakundearen definizioa eta zereginak zeintzuk izan beharko luketen biltzen zuen testu alternatibo bat proposatu zuen, zeinetan euskal unibertsitatearen definizio klasikoa babesten zuen.

Bi sentsibiltateak bat eginda

Aihartzak egindako adierazpenak entzun ostean, Iñaki Marko II. kongresuaren artezkariak aitortu zuen ez zutela asmatu terminoa definitzeko orduan, baina txosten ofizialak, osotasunean hartuz gero, UEUren betiko helburuekin eta izpirituarekin bat egiten zuela. Horren adibide gisa jarri zuen titulazio mapa propioa sortzea proposatzen zela txostenean.

Horiek guztiak entzun eta gero, testu alternatiboa onartzea erabaki zuten Euskalduna jauregian elkartutako UEUko kideek. Bertan, argi uzten zen UEUren zeregina «euskal unibertsitatearen eraikuntzan lan egitea» dela, «euskal komunitate zientifikoaren bilgunea egituratuz, unibertsitate mailako ezagutzaren sorkuntza eta zabalkundea euskaraz ahalbidetuz eta goi mailako prestakutza eta goi mailako prestakuntza iraukorra eskainiz».

ERAKUNDEAREN IZENA

UEUri ez diote aldatuko izenik

UEUko kideek egindako zuzenketa proposamenen artean, erakundeari izena aldatzea eskatzen zuten pare bat agertzen ziren. Batak zein besteak, Udako Euskal Unibertsitateari *udako* adjektiboa kentzea proposatzen zuten, eta Euskal Unibertsitatea izenarekin geratzea. Horretarako ematen zituzten arrazoiaren artean, aipatzen zuten neguko ikasketa-programak udakoarena nabarmen gaintu duela azken urteetan. Azkenean, kongresuak atzera bota zituen bi proposamenok. Alde batetik, *Geroa orain* hausnarketa txostena landu duen taldeak azpimarratu zuen izena aldatzeak arazoa zekarrela, «egokitzen txikia» egin beharko litzatekeelako erakundearen estatutuetan. Bestalde, hori baino arrazoi sakonagoak ere agertu ziren kongresuaren barruan. Hala, *udako* adjektiboa kenduta euskal unibertsitatea *de facto* definituko litzatekeela azpimarratu zuten UEUko kide batzuek. Halaber, gaineratu zuten atzo egindako kongresua ez zela leku aproposa horrelako gaiak eztabaidatu eta erabakitzeko.

Asier Iturriagaetxebarria | **BILBO**

Euskal unibertsitatea sortzearen aldeko apustua berrestea eta bide horretan aitzindari lana hartzea hitzartu zuen Udako Euskal Unibertsitateak (UEU) bere II. kongresuan. Bilboko Euskalduna jauregian batu ziren atzo 185 UEUko kide, erakundearen etorkizuneko zeregina zehazteko asmoz. Horretarako, azken bederatzi hiletan landutako *Geroa orain* hausnarketa txostena izan zuten mahai gainean. Horren harira, eztabaida nagusi bi zeuden: euskal unibertsitatearen definizioa eta horrek berarekin zekarren erakundearen zeregina. Azkenean, txosten ofizialean agertzen zen definizioa atzera bota zuten UEUko kideek, eta 1995. urteko lehen

kongresuan egindakoari eustea erabaki zuten. Horren arabera, euskal unibertsitatea da «euskalduna, Euskal Herri osoa errespetatuko duena eta herritarra». Hau da, horren arabera, euskal unibertsitatea egongo da euskaraz funtzionatuko duen unibertsitate etxea dagoenean.

II. kongresuaren aurreko egunetan, eztabaida handia izan da euskal unibertsitatearen definizioaren inguruan. UEUren baitan euskal unibertsitatea ulertzeko sentsibiltate bi ageri ziren. Lehenengoak EIREk bere kongresuan egindako definizioarekin bat egiten zuen, euskal unibertsitatea sare gisa hartuta. Horren arabera, edozein unibertsitatetan egindako euskarazko jarduera euskal unibertsitateko zati litzateke.